

Skatterådip aalajangiinera

Suuneranut ilisarnaat:	2010-042768
Aalajangiineq pivoq:	16. juni 2011
Aalajangiineq tamanut nalunaarutigi- neqarpoq:	
Ukioq aningaasarsiorfik:	2009
Pineqartog:	Akilerartarnej
Pineqartup imarisaa:	Kiassaateqarfiup taarserneranut aningaasartuutit

Naalisarnera

Naammagittaalliuut illumit inissiatut atornejartumi kiassaateqarfiup taarserneranut aningaasartuutit ilanngaateqarnissamut tunngasuvoq. Aningaasartuutit ilaasa ilanngaatigineqarsinnaanerat Akilerartarnermut Aqutsisoqarfiup akuersaarsimavaa, aningaasartuutit tamarmiusut ilanngaatigineqarnissaat Skatterådip itigartitsissutigaa, tassami illuut nalikillilerneqarsinnaasuunngimmat.

Pissutsit suliamut tunngasut

Akilerartarnej illumit 2007-imi nuussimavoq, kingornalu inissiatut attartortilerlugu. Oliefyri nutaanngitsoq aserormat 2009-mi nutaamik taarserneqarpoq. Aningaasartuutit 42.129 kr.-it sillimmasiisarfiup akilerumanngimmagut akilerartarnej aningaasartuutit nammineq akilertariaqarsimavai.

Akilerartarnej aningaasartuutit tamaasa aningaasarsiami naatsorsorneranni ilanngaatigisimavai. Kisianni Akilerartarnermut Aqutsisoqarfiup aningaasartuutit 3/23-ii kisiisa akuerisimavai, aappariinnut tamanut affarmik ilanngaateqartitsilluni, tassa aningaasartuutit ilaat taakku illuummik attartortitsinerneq tunngasuutilugit.

Akilerartarnej isumaa

Oliefyri nutaamik taarserneranut aningaasartuutit ilanngaateqarsinnaannginnini akilerartarnej naammagittaalliuutigaa. Attartortitsinerneq isertitat akilerartarnej aningaasartuutit. Taamaammat aamma illuummi oliefyri, attartortitsinerneq nalaani aserortup nutaamik taarserneqarneranut aningaasartuutit ilanngaateqartitsisoqartariaqaraluarpoq.

Inatsisini maleruagassanut periaatsinullu innersuussineq

Oliefyri taarserneranut aningaasartuutit ilanngaatigineqarnissaat pillugu:

Aningaasarsiat piniarnerannut aningaasartuutit ilanngaatigineqarsinnaaneratt pillugu maleruagassat Aningaasarsianit akileraarutit pillugit Inatsisartut inatsisaanni, inatsit nr. 12, 2. november 2006-imeersumi allassimapput.

§ 24. Aningaasarsiat akileraaruteqaataasussat naatsorsorneranni ilanngaatigineqarsinnaapput:

- 1) Ingerlatsinermit aningaasartuutit, tassa imaappoq aningaasarsiat piniarnerannut, isumannaalliniarnerannut allanngutsaaliorniarnullu ukiup ingerlanerani akissaajaataasimasut, taakkununga ilanngullugit akileraartarnermit nalikilliliinerit. Akileraartarnermit nalikilliliinerit maleruagassiat aammalu pigisat nalikillilerneqarsinnaasut allamut tunineranni il.il. iluanaarutit annaasaqaatilluunniit akileraartarnermut tunngasumik suliarineranni maleruagassat naalakkersuisut aalajangissavaat,
- 2) aningaasat akileraartussaaitap pigisaanik, iluanaarutitaat aningaasarsiat isigineqartunik, allanngutsaaliuinermit sillimmasiinerimulluunniit atorneqarsimasut, aamma
- 3) akiisut erniaat, taakkunungalu atatillugu sullissinermit matusissutissatut ingerlaavartumik ernialiuttakkat (løbende provision).

Ilanngaateqarnissami piumasaqaataapput:

- Aningaasartuutit uppersaatissaqarnissaat
- Aningaasartuutit ukiumi aningaasarsiasat piniarlugit aningaasartuutigineqarsimanissaat
- Akileraartussaaitaasoq aningaasartuutit akiliisussaaitaassaaq.

Ingerlatsinermit atortunik, soorlu inuussutissarsiutigalugu illuummik biilinilluunniit pisinermit aningaasartuutit ukiumi aningaasarsiasat piniannarlugit aningaasartuutigineqanngillat. Aningaasartuutit ukiumi arlaqartuni aningaasarsiasat piniarlugit aningaasartuutigineqarput, taamaattumillu aningaasartuutit tamatumunnga maleruagassat naapertorlugit akileraarutitigut nalikillilerneqarsinnaapput.

Namminersorerullutik Oqartussat nalunaarutaat nr. 30, 1. december 2006-imeersoq akileraarutitigut nalikilliliisarnit il.il. pillugit imaqqarpoq.

Illuutit inuussutissarsiornermit atorneqartut atortullu ikkussorneqarsimasut nalunaarummi § 1, imm. 1, nr. 3 naapertorlugu nalikillilerneqarsinnaapput, illuutit inissiatut attartortinneqarsimasut aatsaat nalikillilerneqarsinnaapput piginnittup suliffeqarfiutaani sulisunut attartortinneqarunik, tak. § 1, imm.3.

§ 1. Nalunaarut manna makkununga atuuppoq:

- 3) Illuutit inuussutissarsiornermit atorneqartut atortullu ikkussorneqarsimasut illuummuinnaq atorneqartut kiisalu asaanerit, aqqusemgit, illut iloqqasut akorni, biilit uninngasartii, ungaluukkat assigisaallu illuummi inuussutissarsiornermit atorneqartumiittut tassungaluunniit attuumassuteqartut illuutillu ingerlanneranut atorneqartut.
- Imm. 3. Illuutit inummit pigineqartut inissiatullu attartortinneqartut, kiisalu maskiinat, pequtit assigisaallu, taakkua ingerlannerannut atortut nalunaarummi maleruagassiani aatsaat ilaatinneqassapput piginnittup suliffeqarfiutaani sulisunut attartortitsineruppat. Illuut piginnittumit inigineqarpat tamanna sulisumut attartortitsinerit isigineqassanngilaq.

Aserfallatsaaliinermut (iluarsaassinermut) aamma pitsanngorsaaneermut aningaasartuutit akileraartarnikkut immikkoortinneqarput. Aningaasartuutit atorneqartut pigisap pisiarineqarnerminut pitsaanerulissutigisai pitsanngorsaattut isigineqarput, tak. nalikilliliinerit pillugit nalunaarummi §§-it 4 aamma 5.

§ 4. Pigisamik pitsanngorsaaneermut sanaqqiinemullu aningaasartuutit pigisap pissarsiarineqarnermini nalingatut isigineqassapput.

Imm. 2. Pitsanngorsaaneermi aningaasartuutit taamaallaat isigineqassapput aningaasartuutit pigisap pisiarineqarnerminut pitsaanerulernissaanut atukkat.

Imm. 3. Pigisap ajoqusersimappat pitsanngorsaaneermi aningaasartuutit taamaallaat isigineqassapput aningaasartuutit pigisap ajoqusinnginnerminut pitsaanerulernissaanut atukkat.

§ 5. Pigisamik ajoqusersimasumik iluarsaaneermut aningaasartuutit ukiumi aningaasarsiorfiusumi iluarsaanneqarfiani aningaasarsianit akileraaruteqaataasussanit ilanngaatigineqassapput.

Imm. 2. Ajoqusernerli sillimmasiinermit imaluunniit taarsiiffigisaaneermi aningaasanik tunniussinermik nassataqarpat, ilanngaatigineqarsinnaasoq taamaallaat tassaavoq iluarsaaneermut aningaasartuutit sillimmasiinermit taarsiiffigineqarnermilluunniit aningaasanit tunniussanit amerlaneruppata taakkua nikingassutaat. Sillimmasiinermit imaluunniit taarsiiffigineqarnermit aningaasat tunniunneqartut iluarsaaneermut aningaasartuutit amerlaneruppata, aningaasat amerlanerussutaasut ukiumi aningaasarsiorfimi tunniunneqarfiani aningaasarsiat akileraaruteqaataasussat naatsorsorneranni ilanngunneqassapput.

Imm. 3. Iluarsaaneermi aningaasartuutit isigineqassapput aningaasartuutit pigisap ajoqusinnginnermini ileqqutat iluarsaaneermut atukkat.

Aserfallatsaaliinermut pitsanngorsaaneermullu aningaasartuutit agguataarneqarnissaat amerlasuutigut missiliorneqartariaqartarpoq. Illuut sananeqarneraniilli pigineqarsimanngippat, taava aserfallatsaaliinermut aningaasartuutit ilaat illuutip pisiarineqannginnermini aserfallassimaneranut tunngatinneqarsinnaapput, tamanalu piginnittortaap pitsanngorsaaneermut aningaasartuuteqarneratut isigineqassaaq, tassami illuut pisiarineqannginnerminut pitsaanerulersinneqarmat. Naak illuut sananeqaramili ataasiinnarmik piginnitseqarsimagualuartoq aningaasartuutigineqarsimasut amerlasuutigut agguataarneqartussaasarpur. Uffarfik qorlortiffilik nutaanngitsoq aserfallassimasorlu qorlortiffimmik kinisimaartarfimmillu nutaanik taarserneqarpat, taava aningaasartuutit ilaat pitsanngorsaaneermi aningaasartuutit oqaatigineqarsinnaassapput. Uffarfik ukiut marluk qaangiutiinnartut aserfallassimanini pissutigalugu taarserneqarpat, taava imaassinnaavoq aningaasartuutit ilaat aamma pitsanngorsaaneermut aningaasartuutit isigineqassasut, tassami uffarfik ukiunit marlunnit siviunerumik piusinnaasutut naatsorsuunneqarmat.

Aningaasartuutit aserfallatsaaliinermut pitsanngorsaaneermullu agguataarneqareerneranni isummerfigineqassaaq aserfallatsaaliinermut aningaasartuutit ilanngaatigineqarsinnaanersut. Tassa imaappoq uppernarsarneqarsimanersut, inuussutissarsiornermut tunngasuunersut aammalu akileraartussaataasoq taakkuninnga akiliisussaataitanersoq. Assersuutigalugu illuut pisiarineqarpoq, aatsaallu ukiut qulingiluat qaangiunneranni inuussutissarsiornermut atorneqalerluni, taava ukiut qulinganni aserfallatsaaliinermut aningaasartuutit 1/10-ii (qulerarterutaat) kisimik inuussutissarsiornermut tunngasuututut isigineqassapput.

Skatterådip naliliineri tunngavilersuutaalu

Ingerlatsinermut aningaasartuutit uppersaatissallit ilanngaatigitinneqarput. Oliefyrip taarserneranut aningaasartuutit 42.129 kr.-it uppersarneqarput. Oliefyrip taarserneranut aningaasartuutit aserfallatsaaliuinnermut aningaasartuutit, Aningaasarsianit akileraarutit pillugit Inatsisartut inatsisaanni § 24, imm. 1 naapertorlugu ilanngaatigineqarsinnaasutut oqaatigineqarsinnaanngillat.

Oliefyrip taarserneranut aningaasartuutit illuummi kiassaateqarfimmik pisinertut oqaatigineqarsinnaapput, tassalu imaappoq akileraarutitigut nalikilliliisarnermi maleruagassat atorneqassapput. Oliefyrip taarserneranut aningaasartuutit illuutip, oliefyrip ikkussorneqarfigisaata pisiarineqarnerani akiata pineqarneratuut pineqassapput. Illuut taamaallaat nalikillilernerqarsinnaavoq sulisunut attartortinneqaruni, tak. Akileraartarnermi nalikilliliinerit il.il. pillugit Namminersornerullutik Oqartussat nalunaarutaanni nr. 30, 1. december 2006-imeersumi § , imm. 1.

Akileraartartup illuutaa sulisunut attartortinneqanngilaq, taamaattumillu ukiumi aningaasarsiorfiusumi naammagittaalliuutigineqartumi oliefyrimik taarsiinermut aningaasartuutit tamaasa ilaannaalluunniit ilanngaatigitinneqarsinnaanngillat.

Skatterådip aalajangiinera

Oliefyrip taarserneranut aningaasartuutit ilanngaatigineqarnissaat Skatterådip akuerisinnaanngilaa. Oliefyri tassaavoq kiassaateqarfittut ikkussugaq, illuummilu nalikillilernerqarsinnaanngitsumimmat ilanngaateqartitsisoqarsinnaanngilaq, tak. Aningaasarsianit akileraarutit pillugit Inatsisartut inatsisaanni nr. 11-mi § 24 aamma Akileraartarnermi nalikilliliinerit il.il. pillugit nalunaarummi nr. 30-mi §§-it 1, 4 aamma 5.